

O‘zbekiston
Metama’lumot
Ko‘chib ketganlar soni

Ishlab chiqilgan sana: 30.10.2024

Oxirgi yangilangan sana: 30.10.2024

0. Asoslar

0.1 Qonuniy asoslar

0.1.1 Statistik ma’lumotlarni yig‘ish, qayta ishlash va tarqatish uchun javobgarlik

O‘zbekiston Respublikasi Prezidenti huzuridagi Statistika agentligi

2021-yil 11-avgustda Sharqiy Yevropa, Kavkaz va Markaziy Osiyo uchun Rasmiy statistika to‘g‘risidagi namunaviy qonuni asosida ishlab chiqilgan “Rasmiy statistika to‘g‘risida”gi O‘zbekiston Respublikasi qonuni qabul qilindi.

Ushbu Qonunning maqsadi rasmiy statistika sohasidagi munosabatlarni tartibga solishdan iborat. Qonunning amal qilishi rasmiy statistikani tayyorlovchilarga va undan foydalanuvchilarga, respondentlarga hamda ma‘muriy ma‘lumotlarni yetkazib beruvchilarga, shuningdek ular o‘rtasida yuzaga keladigan, rasmiy statistikani tayyorlash, tarqatish va muvofiqlashtirish bilan bog‘liq bo‘lgan munosabatlarga nisbatan tatbiq etiladi.

Shuningdek, O‘zbekiston Respublikasi Prezidentining 2024-yil 4-martdagi “O‘zbekiston Respublikasi Prezidenti huzuridagi Statistika agentligi faoliyatini tashkil etish chora-tadbirlari to‘g‘risida” PQ-114-son qarori bilan tasdiqlangan O‘zbekiston Respublikasi Prezidenti huzuridagi Statistika agentligi to‘g‘risida nizomga muvofiq, Statistika agentligi rasmiy statistikaning asosiy prinsiplariga rioya etilishini va xalqaro tavsiyalarga muvofiq bo‘lgan statistika uslubiyotlarining birligini ta‘minlash; statistika ma‘lumotlarini yig‘ishni, uy xo‘jaliklarining statistika kuzatuvlarini, ro‘yxatga olishlarni, bir marotabalik hisobga olishlarni, tanlanma so‘rovlarni va boshqa statistika kuzatuvlarini o‘tkazishni tashkil etish; barcha darajadagi foydalanuvchilarni belgilangan tartibda rasmiy statistika ma‘lumotlari bilan ta‘minlash; statistika maqsadlarida foydalanish uchun statistika registrlari va tasniflash tizimini yuritish uchun javobgar hisoblanadi.

Shu bilan birga, Rasmiy statistika to‘g‘risidagi Qonunning 14-moddasiga muvofiq statistika organlari quyidagi huquqlarga ega:

- davlat va xo‘jalik boshqaruvi organlaridan, fuqarolarning o‘zini o‘zi boshqarish organlaridan, banklardan hamda boshqa tashkilotlardan statistika kuzatuv shakllarini olish va statistika kuzatuv ma‘lumotlaridan statistika maqsadlarida foydalanish;

- statistik birliklar faoliyatining statistika kuzatuvlarini o'tkazish va olingan birlamchi ma'lumotlardan statistika maqsadlarida foydalanish;
- jismoniy shaxs bo'lgan respondentlarni statistika kuzatuvlarida ishtirok etganligi uchun rag'batlantirishni amalga oshirish;
- davlat va xo'jalik boshqaruvi organlaridan, shuningdek boshqa tashkilotlardan statistika dasturlarini bajarish uchun zarur bo'lgan axborotni so'rash hamda olish;
- rasmiy statistikani tayyorlash uchun zarur bo'lgan statistika ma'lumotlarini yig'ishga jismoniy va yuridik shaxslarni qonunchilikka muvofiq shartnoma asosida jalb etish;
- statistika ma'lumotlarini yig'ish, ularga ishlov berish, ularni umumlashtirish, tahlil qilish, tarqatish va saqlashning zamonaviy usullari va vositalaridan foydalanish hamda ularni milliy statistika tizimiga joriy etish;
- statistika ma'lumotlarini taqdim etish bilan bog'liq qoidabuzarliklar aniqlangan taqdirda, ularni bartaraf etish haqida ko'rsatmalar berish va statistika ma'lumotlariga tegishli tuzatishlar kiritish;
- statistika hisobotlarini taqdim etish tartibini buzgan mansabdor shaxslarga nisbatan ma'muriy jazo choralarini qonunga muvofiq o'z vakolatlari doirasida qo'llash.

O'zbekiston Respublikasi Prezidentining 2017-yil 12-sentabrdagi F-5054-son farmoyishiga muvofiq, mamlakatdagi iqtisodiy va moliyaviy ma'lumotlar Xalqaro Valyuta Fondining kengaytirilgan umumiy ma'lumotlar tarqatish tizimi (k-MTUT)ga to'g'ri kelishi va uning doirasida muvofiqlashtirilishi kerak.

Statistika jarayonlarini boshqarish, shu jumladan statistika ma'lumotlarini tayyorlash va tarqatish xalqaro sifatni boshqarish modellari (GSIM, GSBPM, GAMS0)ga asosan ishlab chiqilgan milliy tartib-taomillarga muvofiq amalga oshiriladi.

0.1.2 Ma'lumot ishlab chiqaruvchi tashkilotlar o'rtasida ma'lumotlar almashinuvi va muvofiqlashtirish

O'zbekiston Respublikasi Prezidenti huzuridagi Statistika agentligi

"Rasmiy statistika to'g'risida"gi Qonunning 11-moddasiga asosan rasmiy statistikani tayyorlovchilar statistika ma'lumotlarini ishlab chiqishda xalqaro darajada tavsiya etiladigan tushunchalarga, tasniflarga va uslubiyatga amal qiladi.

Vakolatli davlat organi rasmiy statistikaning boshqa tayyorlovchilarining faoliyatini statistika dasturlari doirasida muvofiqlashtiradi.

Rasmiy statistikani tayyorlovchilar statistika ma'lumotlarini tayyorlash uslubiyatini o'z vakolatlari doirasida muvofiqlashtiradi.

Rasmiy statistikaning boshqa tayyorlovchilarining statistika uslubiyatlarida xalqaro tavsiyalarga nomuvofiqlik aniqlangan taqdirda vakolatli davlat organi statistika uslubiyatlari auditi yakunlariga ko'ra ushbu tayyorlovchilarga ijro etilishi majburiy bo'lgan taqdimnomalar kiritish huquqiga ega.

Milliy statistika tizimiga kiruvchi rasmiy statistikaning boshqa tayyorlovchilari tomonidan statistika ma'lumotlarini shakllantirish va vakolatli davlat organi bilan axborot almashinuvini ta'minlash uchun mas'ul bo'lgan bo'linmalar tashkil etiladi.

Rasmiy statistikani tayyorlovchilar hamda ma'muriy ma'lumotlarni yetkazib beruvchilar o'zlarida mavjud bo'lgan statistika ma'lumotlarini va (yoki) ma'muriy ma'lumotlarni vakolatli davlat organiga statistika dasturlarida belgilangan tartibda va muddatlarda bepul taqdim etadi.

“Rasmiy statistika to'g'risida”gi Qonunning 10-moddasiga asosan, Statistika kengashi vakolatli davlat organi huzuridagi rasmiy statistikaning rivojlantirilishi, faoliyat ko'rsatishi va muvofiqlashtirilishi masalalari bo'yicha kollegial maslahat organidir.

Statistika kengashining tarkibi davlat boshqaruvi organlarining, ilmiy-tadqiqot tashkilotlarining, nodavlat notijorat tashkilotlarining vakillari, shuningdek statistika bo'yicha milliy ekspertlar orasidan tuziladi.

0.1.3 Respondentlar individual ma'lumotlarining maxfiyligi

O'zbekiston Respublikasi Prezidenti huzuridagi Statistika agentligi

“Rasmiy statistika to'g'risida”gi Qonunning 27-moddasiga asosan, rasmiy statistikani tayyorlovchilar tasarrufidagi mavjud individual ma'lumotlardan faqat statistika maqsadlarida, jamlanma statistika ma'lumotlarini shakllantirish uchun foydalaniladi.

Davlat organlari, fuqarolarning o'zini o'zi boshqarish organlari va boshqa tashkilotlar, shu jumladan xalqaro tashkilotlar tomonidan individual ma'lumotlardan tergov, nazorat qilish, sud muhokamasi, ma'muriy qarorlar qabul qilish maqsadida yoki jismoniy va yuridik shaxslarga yoki uy xo'jaliklariga taalluqli boshqa maqsadlarda foydalanilishi mumkin emas.

Statistika agentligi xodimlari axloq kodeksiga, shu jumladan maxfiylik prinsiplariga rioya qilishlari, o'zlarining vazifalarini bajarishda ularga taqdim etilgan har qanday individual ma'lumotlarni oshkor qilmasliklari kerak.

Ularni lavozimga tayinlash paytida majburiyatlari haqida ma'lumot beriladi. Statistika agentligining har bir xodimi ma'lumotlarni oshkor qilmaslik majburiyatini o'z ichiga olgan shartnomaga qo'l qo'yishi shart.

0.1.4 Statistik hisobotlarni taqdim etish

O'zbekiston Respublikasi Prezidenti huzuridagi Statistika agentligi

“Rasmiy statistika to'g'risida”gi Qonunning 14-moddasiga asosan, statistika organlari davlat va xo'jalik boshqaruvi organlaridan, fuqarolarning o'zini o'zi boshqarish organlaridan, banklardan hamda boshqa tashkilotlardan statistika kuzatuvini shakllarini olish huquqiga ega. O'zbekiston Respublikasining Ma'muriy javobgarlik to'g'risidagi [kodeksining](#) 215-moddasiga muvofiq mansabdor shaxslarning statistika kuzatuvini olib borish uchun zarur bo'lgan hisobot va boshqa ma'lumotlarni taqdim etmaslikda ifodalangan statistika hisobotlarini taqdim etish tartibini buzishi, hisobot ma'lumotlarini buzib ko'rsatishi yoki hisobotlarni taqdim etish muddatlarini buzishi bazaviy hisoblash miqdorining yetti baravaridan o'n baravarigacha miqdorda jarima solishga sabab bo'ladi.

“Rasmiy statistika to‘g‘risida”gi Qonunning 16-moddasiga asosan, Statistika dasturlariga binoan statistika kuzatuvlarini o‘tkazish chog‘ida respondentlar rasmiy statistikani tayyorlovchilarga ishonchli va to‘liq ma‘lumotlarni rasmiy statistikani tayyorlovchi tomonidan belgilangan tartibda va muddatlarda bepul taqdim etishi shart.

0.2 Resurslar

0.2.1 Kadrlar, moddiy-texnika bazasi, kompyuter vositalari va moliyalashtirish

Respublika darajasidagi demografik ma‘lumotlar Statistika agentligining Demografiya, mehnat va gender statistikasi boshqarmasi, Demografik ko‘rsatkichlarni shakllantirish va tahlil etish bo‘limi tomonidan amalga oshiriladi. Hudud darajasida mazkur ko‘rsatkichlar hududiy statistika boshqarmalarining Demografiya va mehnat statistikasi bo‘limi xodimlari tomonidan shakllantiriladi.

Demografik ko‘rsatkichlarni shakllantirish va tahlil etish bo‘limida 4 ta xodim, hududiy statistika boshqarmalarining Demografiya va mehnat statistikasi bo‘limlarida o‘rtacha 3 ta xodim faoliyat yuritadi. Aholi statistikasi bo‘yicha statistik ma‘lumotlarni shakllantirishda qo‘yilgan vazifalarni bajarishda xodimlar soni yetarli hisoblanadi.

Barcha xodimlar sohaga tegishli bilim va ko‘nikmalarga ega. Xodimlar malakasini oshirishda muntazam ravishda Statistika agentligining Kadrlar malakasini oshirish va statistik tadqiqotlar instituti yaqindan yordam beradi.

Bo‘lim oldiga qo‘yilgan vazifalarni bajarishda elektron-hisoblash resurslari yetarli bo‘lib, dasturiy ta‘minot vaqti-vaqti bilan yangilanib, qo‘yilgan va yuzaga keladigan talablarga javob beradi. Har bir ish joyi lokal tarmoqqa ulangan shaxsiy kompyuterlar bilan ta‘minlangan. Elektron-hisoblash resurslari yetarlicha himoya bilan, shuningdek, favqulodda holatlarda statistik axborotlarni qayta tiklash tizimi bilan ta‘minlangan.

Moddiy-texnik va boshqa resurslar qo‘yilgan talablarga javob beradi. Demografiya statistikasi bo‘yicha statistika dasturida ko‘zda tutilgan ishlarni bajarish uchun taqdim etilayotgan moliyaviy resurslar yetarli hisoblanadi.

1. Beg‘arazlik

1.1 Kasbiy mahorat

1.1.1 Statistikaning xolisligi

O‘zbekiston Respublikasi Prezidenti huzuridagi Statistika agentligi

“Rasmiy statistika to‘g‘risida”gi Qonunining 6-moddasiga asosan, rasmiy statistikasining asosiy prinsiplari, jumladan beg‘arazlik va xolislik hisoblanadi.

“Rasmiy statistika to‘g‘risida”gi Qonunining 13-moddasiga asosan, Davlat organlari, boshqa tashkilotlar va ularning mansabdor shaxslari statistika organlarining ushbu Qonunga muvofiq amalga oshirilayotgan faoliyatiga aralashishga haqli emas.

Hududiy statistika boshqarmalari, tumanlarning (shaharlarning) statistika bo'limlari mahalliy davlat hokimiyati organlaridan mustaqil bo'lib, bevosita vakolatli davlat organiga bo'ysunadi.

Mazkur statistik ma'lumotni ishlab chiqishda boshqa davlat organlarining aralashishiga yo'l qo'yilmagan va kasbiy mustaqillik to'liq ta'minlangan.

Kadrlarni tanlab olish va ularni yuqori lavozimlarga tayinlashda, ularning statistika sohasida tajribasi va kasbiy malakasi e'tiborga olinadi. Boshqarma xodimlari malakasini oshirish O'zbekiston Respublikasi Prezidenti huzuridagi Statistika agentligining Kadrlar malakasini oshirish va statistik tadqiqotlar instituti tomonidan tashkil etiladigan o'quv kurslarida hamda xalqaro tashkilotlar tomonidan tashkil etiladigan o'quv kurslari, o'quv-amaliy seminarlarda ishtirokini ta'minlash orqali ta'minlanadi. Boshqarma xodimlari Kadrlar malakasini oshirish va statistik tadqiqotlar institutida tashkil etilgan o'quv kurslarida ma'ruzalar bilan ishtirok etadi. Ommaviy axborot vositalarida Boshqarma xodimlarining ilmiy maqolalarini e'lon qilib borish tashkil etilgan.

1.1.2 Manbalar, uslublar va tarqatish usullarini tanlash

O'zbekiston Respublikasi Prezidenti huzuridagi Statistika agentligi

“Rasmiy statistika to'g'risida”gi Qonunning 33-moddasiga muvofiq:

Rasmiy statistikani tayyorlovchilar rasmiy statistikaning sifatini doimiy asosda baholab boradi. Sifat kafolatini ta'minlash uchun rasmiy statistika rasmiy statistikaning qamrovi, tushunchalari, statistik birliklari va tasniflariga taalluqli umumiy prinsiplar hamda usullar asosida tayyorlanadi va tarqatiladi.

Rasmiy statistikani tayyorlovchilar rasmiy statistikaning sifatini yaxshilash maqsadida ma'lumotlarni tahlil etish va tahrir qilish, turli manbalardan olingan ma'lumotlarni birlashtirish, ma'lumotlarni statistika maqsadlarida bir-biriga bog'lashni va solishtirishni amalga oshirish hamda baholashning statistik usullaridan foydalanish huquqiga ega.

Rasmiy statistikani tayyorlovchilar tayyorlash jarayonida foydalaniladigan manbalar va usullarni, shuningdek yakuniy ma'lumotlar to'plamlarini hujjatlashtirib boradi. Rasmiy statistikadan foydalanuvchilar statistika ma'lumotlarining manbalari va ularni tayyorlash usullari hamda rasmiy statistika ma'lumotlarining sifati to'g'risida metama'lumotlar yordamida xabardor qilinadi.

1.1.3 Statistik ma'lumotlarni noto'g'ri talqin qilish yoki undan noto'g'ri foydalanish bo'yicha sharh

O'zbekiston Respublikasi Prezidenti huzuridagi Statistika agentligi

Statistika agentligi statistik ma'lumotlarni noto'g'ri talqin qilish va statistik ma'lumotlardan noto'g'ri foydalanilganda o'z izohini berishi mumkin.

1.2 Shaffoflik

1.2.1 Statistik ma'lumotlarni yig'ish, qayta ishlash va tarqatish qoidalari va tartibining oshkoraligi

O'zbekiston Respublikasi Prezidenti huzuridagi Statistika agentligi

“Rasmiy statistika to'g'risida”gi Qonunning 6-moddasiga binoan, rasmiy statistikaning asosiy prinsiplari tushunarlilik va shaffoflik. Statistik ma'lumotlarni yig'ish, qayta ishlash va tarqatish bo'yicha shartlar O'zbekiston Respublikasining statistikaga oid qonun hujjatlarida keltirilgan. Ushbu qonunchilik choralari veb-saytga joylashtirilgan va jamoatchilikni ular bilan tanishish imkoniyati mavjud. “Rasmiy statistika to'g'risida”gi Qonun va statistik ma'lumotlarni ishlab chiqish va tarqatish muddatlari aniq ko'rsatilgan statistika dasturi Statistika agentligi rasmiy veb-saytiga (www.stat.uz) joylashtirilgan. Qonun Oliy Majlis byulletenida, normativ-huquqiy hujjatlar bazasi (norma), shuningdek Adliya vazirligining www.lex.uz manzilida joylashgan ma'lumotlar bazasida ham mavjud. Statistik ma'lumotlarni shakllantirish uchun respondentlar tomonidan taqdim etiladigan statistika hisoboti shakllari Statistika agentligi rasmiy veb-saytida foydalanuvchilar uchun oldindan e'lon qilinadi.

1.2.2 Hukumatning statistik ma'lumotlar e'lon qilinishidan oldin ko'rishning ichki imkoniyati

O'zbekiston Respublikasi Prezidenti huzuridagi Statistika agentligi

Hukumat Statistika agentligi tomonidan tayyorlangan statistik ma'lumotlarni ularni e'lon qilish vaqtidan oldin ko'rish imkoniyatiga ega emas. Statistik ma'lumotlarni tarqatishda statistika organlari mustaqildir. Davlat organlarining aralashuviga yo'l qo'yilmaydi (“Rasmiy statistika to'g'risida”gi Qonunning 13-moddasi). Faqat Agentlik direktori, uning o'rinbosarlari va mas'ul xodimlar statistik ma'lumotlar e'lon qilinishidan oldin ularni ko'ra oladi.

1.2.3 Statistik ma'lumotlarning atributlari (belgilari)

O'zbekiston Respublikasi Prezidenti huzuridagi Statistika agentligi

Jamoatchilikka e'lon qilinayotgan bosma statistik nashrlar, axborotnomalar, ommaviy axborot vositalarida berilayotgan ma'lumotlarning Statistika agentligi tomonidan ishlab chiqilganligi uning logotipi va izohlari orqali aniq belgilanadi.

1.2.4 Uslubiyatlar, ma'lumotlar manbasi va statistik usullardagi asosiy o'zgarishlar haqida oldindan xabardor qilish

O'zbekiston Respublikasi Prezidenti huzuridagi Statistika agentligi

Yangi uslubiyatga o'tishdan, mavjud uslubiyatlar va usullarga sezilarli o'zgartirishlar kiritishdan oldin Statistika agentligi jamoatchilikni oldindan xabardor qiladi. Statistika agentligi o'z rasmiy veb-saytida foydalanuvchilarni qanday o'zgarishlar kutayotganini tushuntiruvchi tegishli uslubiy ko'rsatmalarni joylashtiradi. Maqolalar, yangiliklar va matbuot anjumanlarida kutilayotgan o'zgarishlar jamoatchilikka yetkaziladi.

1.3. Axloq me'yorlari

1.3.1 Xodimlarning axloq me'yorlari bo'yicha ko'rsatmalar

O'zbekiston Respublikasi Prezidenti huzuridagi Statistika agentligi

Statistika agentligi xodimlari uchun Odob-axloq qoidalari tasdiqlangan. Ular axloq kodeksiga, shu jumladan maxfiylik prinsipiga rioya qilishlari, o'zlarining vazifalarini bajarishda ularga taqdim etilgan har qanday ma'lumotlarni oshkor qilmasligi kerak. Ular lavozimga tayinlanayotganda ushbu majburiyatlar haqida tushuntirishlar beriladi. Statistika agentligi xodimi individual ma'lumotlarni oshkor qilmaslik majburiyatini olgan shartnoma tuzishi shart.

2. Uslubiyat

2.1 Konsepsiya va tushunchalar

2.1.1 Konsepsiya va tushunchalar

Foydalaniladigan konsepsiya va ta'riflar umume'tirof etilgan halqaro statistik tizimlarga asoslangan.

Ko'chib ketganlar sonini hisoblashda quyidagi Xalqaro tavsiyalar qo'llaniladi:

“Aholining tabiiy harakatini statistika tizimi uchun tamoyillar va tavsiyalar”, BMT Statistik komissiyasi tomonidan 2014-yil 45-sessiyasida tasdiqlangan (Uchinchi qayta ko'rib chiqilgan nashr, BMT Nyu-York, 2015-yil).

“Xalqaro migratsiya statistikasi bo'yicha tavsiyalar” (Birinchi qayta ko'rib chiqilgan nashr, BMT Nyu-York, 1998-yil).

1989-yilda HQTni o'ninchi qayta ko'rib chiqish bo'yicha xalqaro konferensiya tomonidan tasdiqlangan va 43-Jahon sog'liqni saqlash assambleyasi tomonidan qabul qilingan kasalliklar va ular bilan bog'liq sog'liq muammolarining xalqaro statistik tasnifi.

“2020-yilda aholi va uy-joylarni ro'yxatga olish bo'yicha Yevropa statistikasi konferensiyasining tavsiyalari” Birlashgan Millatlar Tashkiloti, Nyu-York va Jeneva, 2015-yil Sharqiy Yevropa, Kavkaz va Markaziy Osiyoda aholi va uy-joylarni ro'yxatga olish (2010-yilgi aholini ro'yxatga olish bo'yicha amaliyotlarni ko'rib chiqish, BMT Nyu-York, 2016).

MDH mamlakatlarida xalqaro migratsiyani o'lchash uchun ma'muriy manbalar va tanlanma so'rovlardan foydalanish bo'yicha qo'llanma, YEIK, 2016-yil.

Milliy me'yoriy-huquqiy hujjatlar:

O'zbekiston Respublikasining 2020-yil 28-avgustdagi "O'zbekiston Respublikasining ma'muriy-hududiy tuzilishi to'g'risida"gi 635-son Qonuni;

O'zbekiston Respublikasining Oila Kodeksi (O'zbekiston Respublikasining 1998-yil 30-apreldagi 607-I-son qonuni bilan tasdiqlangan);

O'zbekiston Respublikasining Fuqarolik Kodeksi (O'zbekiston Respublikasining 1995-yil 21-dekabrda 163-I-son va 1996-yil 29-avgustdagi 256-I-son qonunlari bilan tasdiqlangan);

O'zbekiston Respublikasi Adliya vazirining 2012-yil 23-oktabrdagi "Fuqarolik holati dalolatnoma yozuvlarining shakllari va ularni to'ldirish bo'yicha qoidalarni tasdiqlash haqida"gi 234-mh-son buyrug'i;

O'zbekiston Respublikasi Sog'liqni saqlash vazirining 2010-yil 27-fevraldagi "O'zbekiston Respublikasi sog'liqni saqlash muassasalarida tug'ilganlik haqidagi tibbiy ma'lumotnoma, perinatal o'lim va o'lim haqidagi tibbiy guvohnomalarni berish tartibi to'g'risidagi yo'riqnomani tasdiqlash haqida"gi 56-son buyrug'i;

O'zbekiston Respublikasi Prezidentining 2011-yil 5-yanvardagi "O'zbekiston Respublikasida pasport tizimini takomillashtirishga doir qo'shimcha chora-tadbirlar to'g'risida"gi PF-4262-son Farmoni;

O'zbekiston Respublikasi Ichki ishlar vazirligining 1999-yil 9-apreldagi "O'zbekiston Respublikasida pasport tizimini amalga oshirish tartibi to'g'risida"gi 55-son buyrug'i;

Statistika agentligining 2024-yil 31-maydagi 123-son buyrug'i bilan tasdiqlangan "Asosiy demografik ko'rsatkichlarni shakllantirish bo'yicha uslubiy Nizom";

Statistika agentligining 2024-yil 30-apreldagi 78-son buyrug'i bilan tasdiqlangan "Asosiy demografik ko'rsatkichlarni shakllantirishda fuqarolik holati dalolatnomalari va statistik hisob talonlari ma'lumotlarini kodlashtirish bo'yicha qo'llanma".

2.2 Statistika qamrov

2.2.1 Statistika qamrov

2.2.1.1 Ma'lumotlarning statistik qamrovi

Ma'lumotlarning geografik qamroviga Qoraqalpog'iston Respublikasi, 12 viloyat va Toshkent shahri hamda xorijiy mamlakatlar kiradi. Ma'lumotlar quyidagi guruhlarni qamrab oladi: jinsi bo'yicha, shahar va qishloq bo'yicha. Ketganlar to'g'risidagi ma'lumotlar hisobot davri mobaynida doimiy yashash uchun O'zbekiston Respublikasining ma'lum bir hududidan tashqarisiga ketgan barcha shaxslarni qamrab oladi.

Ketganlar soni - ketganlarning mutlaq soni, ya'ni ketgan shaxslar tegishli hududdan uning tashqarisiga. Aholini yashash joyida ro'yxatdan o'tkazishda ichki ishlar organlari tomonidan tuziladigan ketishlarni statistik hisobga olish talonlarini ishlab chiqish natijasida aniqlanadi.

Doimiy yashash joyidan ketganlar to'g'risidagi statistik ma'lumotlar doimiy buxgalteriya hisobi asosida ishlab chiqiladi.

Ketganlar to'g'risidagi ma'lumotlar Ichki ishlar vazirligining Ichki ishlar hududiy boshqarmalari (bo'limlari)ning Migratsiya va fuqarolikni rasmiylashtirish bo'limlari tomonidan taqdim etiladi. Ushbu statistik ma'lumotlar yosh-jinsiy bo'limda ishlab chiqilgan.

2.2.1.2 Statistik qamrovdan istisnolar

Statistik qamrovdan istisnolar: O'zbekiston Respublikasi hududidan vaqtincha ketganlar.

2.2.1.3 Aniqlanmagan faoliyat

Hisobga olinmagan faoliyat mavjud emas.

2.3 Tasniflash/sectorlar bo'yicha taqsimlash

2.3.1 Tasniflash/sectorlar bo'yicha taqsimlash

Hudud bo'yicha ma'lumotlarni tuzish uchun "O'zbekiston Respublikasi ma'muriy-hududiy tuzilmalari (obyektlarini) belgilash tizimi" (MHOBT) idoraviy statistik tasniflagichidan, "Dunyo mamlakatlari tasniflagichi"dan foydalaniladi.

2.4 Hisobga olish asoslari

2.4.1 Baholash

Hisobning asosiy birligi – kishi.

2.4.2 Hisobga olish asosi

Ketganlarni hisobga olish ichki ishlar hududiy boshqarmalarining (bo'limlarining) Migratsiya va fuqarolikni rasmiylashtirish bo'limlari (Ichki ishlar vazirligi huzuridagi) tomonidan kelish va ketish talonlarini to'ldirish bo'yicha amalga oshiriladi.

2.4.3 Yalpi/sof ko'rsatkichlarni hisoblash tartib-taomillari

Hisobot yilida ketganlarning umumiy soni kelish va ketish statistik talonlaridan kelib chiqadigan ma'lumotlar asosida hisoblanadi.

3. Aniqlilik va ishonchlik

3.1 Birlamchi ma'lumotlar

3.1.1 Birlamchi ma'lumotlarni yig'ish asoslari

Migratsiya statistikasi bo'yicha ma'lumotlarning asosiy manbai migratsiya va fuqarolikni rasmiylashtirish bo'limlari tomonidan to'ldirilgan kelish va ketish statistik talonlari hisoblanadi.

Migratsiya statistikasi bo'yicha ma'lumotlar har oyda to'planadi.

Dastlabki ma'lumotlar har chorakda muntazam ravishda baholanadi. Baholash natijalari kuzatiladi va statistik jarayonda hisobga olinadi.

Aniqlik va ishonchlik parametri aholining yillik va choraklik hisob-kitoblariga nisbatan qo'llaniladi.

3.1.2 Birlamchi ma'lumotlarning ta'rifi, qamrovi, tasniflari, baholanishi va hisobga olish davri

Birlamchi ma'lumotlar aniqlash, statistik qamrov, tasniflash, baholash va hisobga olish momentiga nisbatan kerakli parametrlarga etarlicha yaqinlashadi.

Ketgan migrantlarning joriy hisobi Ichki ishlar vazirligining Ichki ishlar hududiy boshqarmalarining (bo'limlarining) migratsiya va fuqarolikni rasmiylashtirish bo'limlariga yuklatilgan bo'lib, ular aholini yashash joyi va yashash joyida ro'yxatdan o'tkazadi. Doimiy yashash joyini o'zgartirish holatlari statistik nazoratga olinadi.

3.1.3 Birlamchi ma'lumotlarning o'z vaqtida tayyor bo'lishi

Ma'lumotlarni yig'ish dasturi ularni o'z vaqtida olishni ta'minlaydi.

Birlamchi ma'lumotlar har chorak yakunlari bo'yicha Statistika agentligi tomonidan statistika dasturida belgilangan muddatlarda ishlab chiqiladi.

Aholining mexanik harakati to'g'risidagi yillik ma'lumotlarni ishlab chiqish voqea sodir bo'lgan sana bo'yicha, oylik ma'lumotlarni ishlab chiqish - voqea qayd etilgan sana bo'yicha amalga oshiriladi.

3.2 Birlamchi ma'lumotlarni baholash

3.2.1 Birlamchi ma'lumotlarni baholash

Olingan ma'lumotlar tahlil qilinadi, viloyat statistika boshqarmalari va statistika agentligi tomonidan majburiy nazorat qilinadi va tekshiriladi.

3.3 Statistika usullari

3.3.1 Birlamchi ma'lumotlar bilan ishlashda statistika usullari

Ketganlar to'g'risidagi ma'lumotlar O'zbekiston Respublikasining tegishli hududidan uning tashqarisiga doimiy yashash joyiga ketgan shaxslarni qamrab oladi.

Amaldagi statistika usullari oqilona statistika protseduralarga mos keladi, bu esa ishlov berishdagi xatolarni minimallashtirishga imkon beradi.

Ma'lumotlarni yig'ish protseduralari ma'lumotlarni qayta ishlash xatolarini minimallashtirishga imkon beradi, masalan, ma'lumotlarni kodlash va tahrirlash va jadvallarni tuzishda xatolar.

3.3.2 Boshqa statistika jarayonlari

Ma'lumotlarni tuzatish va o'zgartirish Asosiy demografik ko'rsatkichlarni shakllantirish bo'yicha uslubiy nizom, Asosiy demografik ko'rsatkichlarni shakllantirishda statistika hisob talonlari va fuqarolik holati dalolatnomalaridagi ma'lumotlarni kodlashtirish bo'yicha qo'llanmalar yordamida amalga oshiriladi.

3.4 Ma'lumotlarni taqqoslash

3.4.1 Oraliq natijalarni taqqoslash

Baholash va hisobot ma'lumotlarini muntazam ravishda taqqoslash amalga oshiriladi. Dastlabki va yakunlangan ma'lumotlar o'rtasidagi farq unchalik katta emas.

3.4.2 Oraliq ma'lumotlarni baholash

Oraliq va chiqish statistikasini muntazam baholash va yarashtirish amalga oshiriladi.

Yillik rivojlanish natijalariga ko'ra, voqea sodir bo'lgan sana bo'yicha ketganlar soni to'g'risidagi ma'lumotlar aniqlanadi.

3.4.3 Yakuniy statistika ma'lumotlardagi tafovutlar va boshqa nomuvofiqliklarni o'rganish

Oraliq ma'lumotlardagi statistika tafovutlari baholanadi va tekshiriladi. Statistika tafovutlari va chiqish statistikasida muammolar mavjudligining boshqa potentsial ko'rsatkichlari o'rganilmoqda.

3.5 Ma'lumotlarni qayta ko'rib chiqish tahlili

3.5.1 Ma'lumotlarni qayta ko'rib chiqishni o'rganish va tahlil qilish

Qayta ko'rib chiqishni o'rganish va tahlil qilish har chorakda muntazam ravishda amalga oshiriladi va ularning natijalari ichki statistik ishlarda hisobga olinadi.

Yillik rivojlanish natijalariga ko'ra, ketganlar soni, yil boshidagi aholi soni va yiliga o'rtacha yillik aholi soni aniqlanadi.

4. Amaliy yaroqlilik

4.1 Davriylik va o'z vaqtidaligi

4.1.1 Davriylik

Davriylik va o'z vaqtida ma'lumotlar tarqalishining xalqaro miqyosda tan olingan standartlariga javob beradi. Ketganlar to'g'risidagi ma'lumotlar har oyda to'planadi. Aholi migratsiyasi statistikasi bo'yicha ma'lumotlar har yili nashr etiladi, bu XVF MTUT talabiga mos keladi.

4.1.2 O'z vaqtidaligi

Aholi to'g'risidagi har choraklik dastlabki ma'lumotlar hisobot davri tugaganidan keyin 10 kun ichida tayyorlanadi.

Hisobot yili uchun respublika bo'yicha ketganlar va viloyatlar bo'yicha bo'lgan yillik ma'lumotlar keyingi yilning may oyida mavjud bo'ladi.

Hisobot yilida respublika va viloyatlar bo'yicha demografik statistika ko'rsatkichlari keyingi yilning avgust oyida mavjud bo'ladi.

4.2 Qiyosiylik

4.2.1 Ichki qiyosiylik

Statistik ma'lumotlar vaqt o'tishi bilan taqqoslanadigan ichki izchillik bilan tavsiflanadi.

4.2.2 Vaqt bo'yicha qiyosiylik

Etarli vaqt uchun taqqoslanadigan ma'lumotlar qatorlari mavjud. Dinamik qatorlar 1991-yildan boshlanadi.

4.2.3 Sektorlar va sohalar o'rtasidagi qiyosiylik

Statistika boshqa manbalardan (ichki ishlar organlari va boshqalar) olingan ma'lumotlar bilan kelishilgan.

4.3 Ma'lumotlarni qayta ko'rib chiqish

4.3.1 Ma'lumotlarni qayta ko'rib chiqish jadvali

Ma'lumotlarni qayta ko'rib chiqish sikli oldindan belgilanadi. Dastlabki va yakuniy ma'lumotlarni tayyorlash muddati har yili ishlab chiqilgan statistik dastur tomonidan belgilanadi.

4.3.2 Dastlabki va/yoki qayta ko'rib chiqilgan ma'lumotlarni aynan shu toifasi bo'yicha belgilash

Ma'lumotlarni tarqatish paytida foydalanuvchilarga ma'lumotlarning dastlabki ekanligi to'g'risida xabar beriladi.

Dastlabki ma'lumotlarni nashr etishda tegishli yozuv kiritiladi.

4.3.3 Ma'lumotlarni qayta ko'rib chiqishni o'rganish va tahlil qilish bo'yicha olingan natijalarni tarqatish

Qayta ko'rib chiqilgan ma'lumotlar dastlabki ma'lumotlar bilan taqqoslaganda tahlil qilinadi, bu esa dastlabki ma'lumotlarning ishonchliligini baholashga imkon beradi.

5. Qulayligi

5.1 Ma'lumotlar

5.1.1 Statistik ma'lumotlarni taqdim etish

Ma'lumotlar hudud, shahar-qishloq va jinsi bo'yicha chop etiladi. Har choraklik va yillik ma'lumotlar foydalanuvchi tomonidan "O'zbekiston Respublikasining ijtimoiy-iqtisodiy ahvoli", "O'zbekiston Respublikasining statistik sharhi", "O'zbekiston demografik yilnomasi", "O'zbekiston statistika yilnomasi", "O'zbekiston raqamlarda", "O'zbekiston Respublikasining ayollari va erkaklari" va boshqa nashrlari orqali, shuningdek, Statistika agentligining <https://stat.uz/>, <https://siat.stat.uz/>, <https://gender.stat.uz/> manzillaridagi rasmiy veb saytida joylashtiriladi.

5.1.2 Ma'lumotlarni tarqatish vositalari va shakllari

5.1.2.1 Bosma shaklda – Yangi nashr

Ma'lumotlar foydalanuvchilarga statistika agentligi nashrlari orqali bosma shaklda tarqatiladi:

- “O‘zbekiston statistika yilnomasi”
- “O‘zbekistonning demografik yilnomasi”
- “O‘zbekiston Respublikasi ayollari va erkaklari”
- “O‘zbekiston raqamlarda”
- “O‘zbekiston mintaqalarining statistik yilnomasi”
- “O‘zbekistonda ijtimoiy rivojlanish va turmush darajasi” va boshqalar.

Bundan tashqari, ma'lumotlar kelishilgan jadval sxemalari bo'yicha davlat organlariga va ularning iltimosiga binoan boshqa foydalanuvchilarga taqdim etiladi.

5.1.2.2 Bosma shaklda – Oylik byulletenlar

Mavjud emas.

5.1.2.3 Bosma shaklida – Choraklik byulletenlar

Choraklik ma'lumotlar “O‘zbekiston Respublikasi ijtimoiy-iqtisodiy holati”, “O‘zbekiston Respublikasi statistik obzori” nashrlari orqali tarqatiladi.

5.1.2.4 Bosma shaklda – Yillik byulletenlar

Mavjud emas.

5.1.2.5 Bosma shaklda – Boshqalar

Jadvallar foydalanuvchilar so'rovlari asosida taqdim etiladi.

5.1.2.6 Elektron shaklda - Byulleten yoki nashrlar

Statistik ma'lumotlar va dinamik qatorlar elektron jadvallar ko'rinishida Statistika agentligining rasmiy veb-saytida choraklik muddatda joylashtiriladi va yangilanib boriladi, shuningdek, <https://stat.uz/> veb-saytida “O‘zbekiston Respublikasi statistik obzori” nashr etiladi.

5.1.3. Ma'lumotlarni e'lon qilish jadvali

Rasmiy statistika taqvim <https://stat.uz/> rasmiy saytida e'lon qilingan.

5.1.4 Bir vaqtning o'zida e'lon qilish

Mavjud emas.

5.1.5 So'rov bo'yicha ma'lumotlarni tarqatish

Statistik ma'lumotlar O'zbekiston Respublikasining "Rasmiy statistika to'g'risida"gi qonuni va boshqa normativ hujjatlarga ko'ra foydalanuvchilarning so'rovlari asosida belgilangan tartibda taqdim etiladi. Statistik ma'lumotlarni tarqatish yuridik va jismoniy shaxslar va xalqaro tashkilotlarning rasmiy xati orqali yozma so'rovlari bo'yicha bosma yoki elektron jadvallar, statistik to'plamlar, tezkor ma'lumotlar, shuningdek, ikki tomonlama axborot almashinuvi to'g'risidagi kelishuv asosida taqdim etiladi.

5.2 Metama'lumotlar

5.2.1 Konsepsiyalar, statistik qamrov, tasniflar, hisobga olish asoslari, ma'lumotlar manbasi va statistik usullar to'g'risidagi hujjatlar va ma'lumotlarni tarqatish

Konsepsiya, statistik qamrov, tasniflash, hisob asosi, ma'lumotlar manbasi va statistik usullar haqidagi ma'lumotlar tarqatilayotgan statistik to'plamlarning asosiy ko'rsatkichlarga uslubiy tushuntirishlar shaklida keltiriladi. Statistik ko'rsatkichlarning shakllanishi va hisobi bo'yicha uslubiy nizomlar Statistika agentligi rasmiy veb-saytida joylashtirilgan.

5.3. Foydalanuvchilarga yordam ko'rsatish

5.3.1 Aloqa bog'lash bo'yicha ma'lumotlarni tarqatish

Statistika agentligi tomonidan e'lon qilingan rasmiy nashrlarda statistik ma'lumotlarni tayyorlash uchun mas'ul xodimlar bilan aloqa bog'lash bo'yicha manzillar (pochta, telefon, faks, elektron manzillar va h.k.) ko'rsatib qo'yiladi.

9. Rejalar

9.1 Oxirgi

9.1.1 Takomillashtirish rejasi – Oxirgi takomillashtirishlar

Aholi tabiiy va mexanik harakati hisobi dasturiy ta'minoti takomillashtirildi.
Demografik jarayonlarni ro'yxatga olish yaxshilandi.

9.2 Umumiy

9.2.1 Takomillashtirish rejasi – Qisqa muddatli

Yo‘q.

9.2.2 Takomillashtirish rejasi – O‘rta muddatli

Statistika agentligi, Adliya vazirligi, Sog‘liqni saqlash vazirligi va Ichki ishlar vazirliklari o‘rtasida ma‘lumotlar almashinuvi bo‘yicha ishlarni takomillashtirish.

9.3 Moliyaviy

9.3.1 Takomillashtirish rejasi – texnik/moliyaviy ko‘makka talab – Qisqa muddatli

Yo‘q.

9.3.2 Takomillashtirish rejasi - texnik/moliyaviy ko‘makka talab – O‘rta muddatli

O‘rta muddatli rejalarni amalga oshirishda, xalqaro tavsiyalarni o‘rganish uchun texnik yordam zarur bo‘ladi.

Aloqa bog'lash uchun shaxs (shaxslar):

| | |
|--|---|
| F.I.O.: | Yuldoshev Zoyir Toshkanovich |
| Lavozim: | Boshqarma boshlig'i |
| Bo'linma: | Demografiya, mehnat va gender statistikasi boshqarmasi |
| Idora: | O'zbekiston Respublikasi Prezidenti huzuridagi Statistika agentligi |
| Manzil: | Mustaqillik shoh ko'chasi, 63-uy |
| Shahar/region: | Toshkent shahri |
| Mamlakat: | O'zbekiston Respublikasi |
| Pochta indeksi: | 100170 |
| Telefon: mamlakat kodi/shahar kodi/raqam | 998 71 2028065 |
| Faks: mamlakat kodi/shahar kodi/raqam | 998 71 2028153 |
| Elektron manzil: | z.yuldoshev@stat.uz |